




289808

盛世危言
增訂新編
(二)



盛世危言卷五

戶政

商務一

商務二

商務三

商務四

商務五

附譯英駐滬總領事哲美
森籌英國頒行公司定例

商船上

商船下

附譯同治元年各
國議定行船章程

商戰上

商戰下

附歐洲商務盈細總論
英商公司據印度及亞美利加
商務論

賽會

保險

盛世危言

戶政

香山鄭觀應陶齋著

商務一

商務者國家之元氣也通商者疏暢其血脈也試爲援古證今如太公之九府圜法管子之府海官山周官設市師以教商賈龍門傳貨殖以示後世當時講求商法與今西制畧同子貢結駟連騎以貨殖營生百里奚販五羊皮而相秦創霸卽漢之卜式桑宏羊莫不以商業起家而至卿相鄭絃高以商却敵而保國呂不韋以商歸秦質子鄭昭商逼羅逐緬寇而主偏陞美總統躬營負販俄前皇彼得發憤爲雄微服赴鄰邦考求技藝研究商情而歸強其

國泰西各國凡擁厚貨之商賈輒目爲體面人准充議政局員輪船公司往來外國者亦邀國助凡事必求便商情課稅必權其輕重昔羅馬尼亞有賈於俄者富甲一國俄王與結昆弟有女遣嫁遣使往賀亦可見中外古今不盡屏商爲末務孰謂閭閻中竟無人豪顧可一例目爲市僧哉

西俗呼爲市僧者如德國官典章程每物估價給三分之二每馬克月利

三分凡六月爲滿其私押則當值少而利重此等雖係典商最爲官紳所鄙其官督民開者以十三個月爲期息五釐而已貨物者必以購物質票爲憑否則以住屋租紙呈驗或令房東作保違者不納 恭讀康熙五十三年 諭

曰朕視商民皆赤子無論事之鉅細俱當代爲熟籌今官商隔閡情意不通官不諳商情商憚與官接如何能爲之代籌故來自外洋無關養命之烟酒蜜餞餅餌等物進出通商各口皆准免稅而

華商營運賴以養命之米麥雜糧等項經過隣壤外縣皆須捐釐
遑問日用之百物試爲援比大欠均平皆因秉軸者不肯降氣抑
志一經心於商務耳方今門戶洞開任洋商百方壟斷一切機器
亦准其設廠舉辦就地取材以免釐稅其成本較土貨更輕誠喧
賓奪主以攘我小民之利我土商若再不猛著先鞭顧私利而罔
遠圖存妬心而互相傾軋徒使洋人節節制勝中國利源不幾盡
爲所奪耶我商人生長中土畏官守法彼西商薄視華官不諳外
務反得爲所欲爲若華商有交涉轆轤之事華官不惟不能助商
反賤削之遏抑之吁是誠何心哉雖然官不恤商者固由官制過
於尊嚴實亦國家立法之未善縱有親民之官通識時務者亦

不能破格原情時與商賈晤對坐談俾知商務要領得以補偏救
弊商務之不能振興也良以此耳昔年德國商人雖貿易有方亦
迫於官稅煩苛更迫於匪人劫掠謀什一者無所得利反多折耗
因而通國商人聚議立約歛血會盟每埠必有商會彼此聲氣相
聯互相保護名曰保護會亦名商會如有爵員及官兵盜賊恃強
以害商者會中人必協力禦侮不受欺陵或有劫掠等事械知四
處嚴搜密訪務使就獲倘國家有害商虐政亦准其具稟申訴裁
革此會一興商務大振於是荷蘭瑞典瑞威等國首效之而英法
西等國朝廷知其法善亦准商人在本國設立公會自爲保護以
免他虞今 朝廷欲振興商務各督撫大臣果能上體 宸衷

下體商情莫若奏請 朝廷增設商部以熟識商務會環游地球

兼通中西言語文字之大臣總司其事并准各直省創設商務總

局總局設於省會分局卽令各處行商擇地自設無論總局分局

皆由各業公舉一人爲商董合公舉之商董擇其公正廉明老成

練達素有聲望之商聘爲總董常川住局一切商情准其面商當

道隨時保護

日本業已效法雖一介商民有運土貨出售外洋者欲見某官商務局董卽賜面交其面呈使臣爲

通介紹毫無費用中國能如是乎

如有關商買賣務及助資獎勵諸法亦准其逕

達商部大臣代奏請 旨准行而後商情不壅於上聞胥吏無阻

撓之弊官宦無侵奪之權釐剔弊端百廢可舉商人亦得仿照西

例承辦要務必將爭自濯磨使貨物翻新銷流暢旺上以仰承

國家之要需下以杜絕外洋之卮漏安見商富而國不富耶至今日而策富強倘不如是內不足以孚信於商民卽外不足以阻洋商之攘奪洋貨入中國則輸半稅土貨出外洋則加重征貲本縱相若而市價則不相同洋貨可平沽而土貨必昂其值顛倒錯案華商安得不困洋商安得不豐倘有賢能督撫大吏洞明利害本原奏請將釐金概行豁免在江海巨埠者併歸洋關在內地口岸者改歸坐釐或由商務局妥籌別款彌縫釐金之缺何至華商受其害而洋商獨收其利也哉

商務二

商以貿遷有無平物價濟急需有益於民有利於國與士農工互相表裏士無商則格致之學不宏農無商則種植之類不廣工無商則製造之物不能銷是商賈具生財之大道而握四民之綱領也商之義大矣哉中國襲崇本抑末之舊說從古無商政專書但知利權外溢而不究其所以外溢之故但知西法之美而不究西法之本原雖日日經營商務而商務終不能興凡大小學堂祇知教習舉業不屑講求商賈農工之學故讀書不能出仕者除教授外幾至無可謀生豈知西人讀書各專一藝如算學化學光學電學礦學醫學農學律學及一切製造各務皆足以榮身富國乎中

國今日雖振興商務要當取法泰西蓋西人尙富強最重通商其
君相惟恐他人奪其利益特設商部大臣以提挈綱領遠方異域
恐耳目之不周鑒察之不及則任之以領事衛之以兵輪凡物產
之豐歉出入之多寡銷數之暢滯月有稽歲有考慮其不專則設
學堂以啟牖之恐其不奮則懸金牌以鼓勵之商力或有不足則
多出國帑倡導之商本或虞過重則輕出口稅扶植之立法定制
必詳必備在內無不盡心講習在外無不百計維持各國每埠皆
設有商會
部設商務總會延爵紳爲之領袖其權與議院相抗
如有加抑許訴諸巴力門衙門故商人恃以無恐 昔年英吉利
隣處一隅閉關自守曾不百年其興勃焉則以極力講求商政故
也京都皆開商務學堂教習通商規例以便貿易遠方時有精於

商務之人特著一書謂商學之要有五曰地學金石學地理學植物學生物學書分四冊首言貨物來源次言工藝製造三言古今商務興衰沿革更變四言近今商務凡歐洲通商之地植物生物金石內所得各物所生材質皆分門別類言之綦詳以教本國學生並教導他處商人獲益非淺或謂商賈之事祇須略知貿易情形即可逐蠅頭之利豈知商務極博商理極深商情極幻商心極密欲知此道不但須明舊日所傳商政並宜詳求近日新法

近人思得

新法先視本國土宜上占天時下窮地力究貨產之盈虧何物最饒何產最良或注意一種或若干種宜製何器意有專屬其業始精能使仁見者必生欣愛欣如各種貨物增出愈多則新法更爲愛者必須購用庶得其道矣

繁瑣蓋懋遷有無之事匪獨一家之利鈍並關一國之盛虛古者

交易但貴布帛菽粟後世工藝大半弓冶箕裘此其中但有工於會計識見過人者則獲利較優故知市面之興衰貨物之增益銷路之宏遠須仗聰明才智之士思深慮遠而後操奇計贏胸有成竹況商業至今日而愈繁商術至今日而愈巧此格致之學言商務者不可不知也

外國新植一物新得一年有英法必筆之於書以俟攷究據英商云同治十一年有英國醫士在新加

坡游玩見土人手持一斧其柄非木非皮不知何物遂詢之土人略知出處即購此柄寄回英國由博學士考求知爲橡樹所製其質柔脆可以伸縮自如於是用橡樹所製之器甚多印度格克得海口有油鋪主一日見油盆之外盤有樹根絲縷明晰主人大奇之適製繩工匠某亦來同視皆以爲所未見遂將此物寄呈英國考究知此根絲可以織布作袋製衣倘與絲縷拼合同製乍見者竟莫辨其爲真絲爲根絲也嗣後日登講求采根絲縷織布正通行國中今北蘇格蘭一帶根絲一項亦爲入欸大宗織市之年士明製造有法乃棉能赴英者其時尙不能將棉花製物後有西功

極易棉花不銷數極多英國織布之業獨勝他國商務又爲之一新
 近年西人不獨購中國雞毛羊毛駱駝毛且購豬鬃毛黃藤且新
 頭柏油五倍子等物運至外國用機器製成地毯抬布窗簾綴布
 蠟燭洋墨水出售中國者甚多我國如就地製造以省運費獲
 利必厚且聞四川有煤油井有沙石可以自製中國不乏聰明材
 玻璃當道者欲闢利源胡不令商民仿而行之
 智之士惜士大夫積習太深不肯講習技藝深求格致總以工商
 爲謀利之事初不屑與之爲伍其不貪肥者則遇事必遏抑之惟
 利是圖者必藉端而賤削之於是但有困商之虐政並無護商之
 良法雖欲商務之興安可得哉日本自明治維新後其大臣游歷
 各國而歸洞識通商利害謂祛其害得其利則國富兵強失其利
 受其害則民窮國困究其避害受利之故在講求格致製造機器
 種植礦務諸學而已是以仿行西法特設商部通飭各處設立商

務局集思廣益精益求精

日本自設商務局後如有洋商買賣不

華商人心說貨不對懷私挾詐致使外人乘取賄賂吃虧九多凡華

商賈洋商之貨無不先銀後貨洋商買華商之貨則先貨後銀竟

無以鼓勵之所致也事不獨仿造中國土貨更仿造西洋各貨販運

外洋價廉工巧人爭購之如有虧折商部大臣設法爲之扶助

昔聞

年日商仿西法製造之貨虧耗過重不能銷者官爲之拍賣或運

出價以價最俾再營運無令中道氣沮而業廢故二十年來商盛

課增竟以富商者增國帑而其捐貲報効之多固無論焉今中國

雖與歐洲各國立約通商開埠互市然祇見彼邦商舶源源而來

今日開海上某埠頭明日開內地某口岸一國爭諸國蟻附一國

至諸國蠶從濱海七省浸成洋商世界沿江五省又任洋船縱橫獨惜中國政府未能惠工恤商而商民鮮有能自置輪船廣運貨物駛赴外洋與之交易者或轉託洋商寄販貨物而路隔數萬里易受欺蒙難期獲利前順德黎召民方伯曾集股創設肇興公司開莊倫敦賣買貨物舉余出洋總辦並請鄭玉軒京卿鄧小赤方伯相勸余答曰商務一端必須統籌全局果有把握而後可行若預先買貨待漲非熟悉該處市情消長貨色盈虛不可以宜先往外洋設一茶葉磁器行號兼代買賣絲茶或附搭股實可靠之行俟開辦三年熟悉該處貿易情形然後大舉倘能奏請朝廷所有各省軍械悉歸我行承辦聘一素精槍礮輪船機器之人考究